

کتابخانه

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق بمجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

عدد ۲۷ - ۲۰۹ ۲۳ رمضان ۱۳۳۰ پنجشنبه ۲۳ اغستوس ۱۳۲۸ جلد ۲ - ۹

ایدرک جمعه نمازی بعدالادا بومطبخدن اهالی به جوربا پلاو توزیع ایدلیدیکی اختیاری روایت اتمکده درلر . مع هذا مطبخ الاکن موجود اولوب انهدام یوز طومشدر .

قارلوه قضااسنک هجرت ایدن قریه لری بروجه آتیدر : قرانلر ، به کن اوبه سی ، عشقلر ، دره لی ، قره حصار ، کوسه لر ، کولالر ، آوجیلر ، اوجیلر ، دوغانجیلر ، مرضانلر ، کشیش محله سی ، منتشه لی ، قوالالر ، صیتی عمر اوبه سی ، مدرسلر ، داراوبه سی ، حمیدلی ، قدیرشقی ، بیک کوی . بوقریه لر کویسی ناحیه سنده اولانلردر . بونلرده شیمدی اسلام بوقدر . بونلرک جامه لری شمدی بعضیسی کلیسایه تحویل ، بعضیسی ده قنجلاریه اتخا ایدلشدر ، مزارقلرک بعضیلری الاکن محافظه اولنورسه ده برچوقلری ده خراب ایدلشدر . فاعتبروا یا اولی الابصار !..

آق سه کیلی

احمد حمدی

دارالظهورده سبیل الرشاد جریده اسلامیه سی ممبریتنه

محترم افندم

بلاد اسلامیه دن هند - چین و ترکستان روسیده بولنان مخابرلرکز واسطه سیله معروف کز اولان و باشلوجه دین اسلامک خادمی بولنان ذواته ارسال ایدلک اوزره غزته کزک اوج نسخه سنک برر سنه لک آبونه بدلنک بالغ اولدینی الی بر فرائق نام عالیکزه پوستیه تسلیم و تقدیم قیلنمش اولدیندن لطفاً مالک مذکورده دن تنسیب بیوریه جق محالره ارسال تکزک کیملرنامه اوله جقنک ازباری واحتراماً تمزک قبولی مسترحدر .

حلب عفل عسکریندن برقاچ ضابط

نامه یوز باشی

نظمی

سبیل الرشاد . — اشعارعالی لری وجهله سبیل الرشاد جاوا ، چین ، وهندستانده بروجه آتی آدرسله ارسال ایدیله باشلانمشدر . مسلمانلرک تنویر فکریسنه چالیشمق اک مقدس املمزددر . ابدال بیورولان توجهاته تشکر ایدرز .

۱ — جاوا بتاویا شهرنده جمعیه الخیر رئیسی سید عبدالرحمن بن محمد بن شهاب .

Batavia

Java

۲ — چین : پکینده مدرسه اسلامیه

Pekin

Chine

۳ — هندستان : بومبایده حضرت امام مسجد زکریا .

Bombay

India

صکره مسلمانلرک سلامتی دوشون برقاچ ذات برآرمه کلهک بر جمعیت خبریه آچارلر . مکتبک وسائر خصوصاتک ترقیمه چالیشلرک ، بالآخره آرایه کیرن تفرقه ایله جمعیتک اسمی جمعیت شریه اولور ، اعضالری عاطل برحاله قالر . اجتماع اتمزلر . ایشته بونلرک هبسی کوستریورک : بورا اهالیسنده برفعالیت اویانیور ، فقط اره لرنده برتفرقه چیقار ، بتون تشبیلری محو ایدر کیدر . آرتق امید نسل حاضر و آتیده در .

§

قارلوهده آثار اسلامیه رارقاف :

بوراده مشهور روس محاربه سندن مقدم دوت جامع شریف ایله ایکی مسجد بولنورمش . بونلردن بریسی - که بالی مسجد دیمکله معروفدر - انشای محاربه ده خراب اولمش و فقط کچن سنه به کنگجه به قدرمناره سی طور یومش . کچن سنه پیلان موجینجه یول اوزرینه کلدیکندن بلدی طرفندن هدم ایدلشدر . دیگر ی ده - که پوسر مسجدی دیمکله معروفدر - حالاموجود بولنورسه ده مع التأسف محله ده اسلام اهالیسی قالدینندن قالی بولنور . مع هذا پیلان موجینجه بونک ده قومشورینه تقسیمی لازم کلدیکندن محکمه به ویریلشدر . دیگر دوت جامع شریف حالا آجیقدر ، بونلرک اک مشهوری قارلی زاده علی بکک بنا کرده سی اولان جامع شریفدر . بوجامع تک قبه ایدر یوقاریسنده دوت طاش دیره کی وارددر .

قبوسی اوزرنده کی طاشده شویله بریازی حک ایدلشدر : « بنا هذا الجامع الشريف بعون الملك المذوق علي ابن قارلي الذي لالا جم سلطان بن سلطان مراد خان في تاريخ تسعين وثمان مائة » . دیگر جامعلرک تاریخلری معلوم دکدر . شوراسنی ده مع الاسف سوبلکه مجبورم که : بومعظم جامع شریفده امام ده داخل اولدینی حالده ایکی کشیدن فضله جماعت کورده مدم .

محاربه دن اول قارلوه طوبراغنک عشری وسائر ویرکولری تماماً بوجامع شریفک وار اتی ایش ، چونکه قارلوه طوبراغی کالاً وقف بولنورمش . بونی بالطبع متولیلر اداره اتمکده ایشلر . مع هذا شمدیکی حالده جامع مذکورک هیچ وارداتی یوقدر .

زیرا بوققلرک پک چوقلری حکومت طرفندن ضبط اولدینی کی خان ، حمام وسائر کی بعض املاک وقفیه ده متولیلر طرفندن تحویل ملک ایدیلرک بیع ایدلشدر . حتی متولینک احفادی اولانلرک جامه مذکور ی بیله بلغارلره بیع ایتکله قالدینقی فقط بلغارلرک روی رضا کوسترمکلرینی طونجه دوغریسی بوقدر جرأته شاشوب قالدیم . قصبه نک املاک وقفیه سی سنوی آلتیوز فرائق راده سنده ایش .

§

قارلوهده معارف :

بری ذکور ، بری ده اناثه مخصوص اولق اوزره ایکی مکتب ابتدایه ایله برذکور رشديه سی وارددر . ذکور رشديه مخصوص اولان ابتدایه ایله رشديه نک هرایکسی ده بر بنا داخلنده بولنور . برطرفی ابتدایه ، برطرفی رشديه در . اناث مکتبی ایکی معلم طرفندن اداره اولنور . رشديه مکتبی ده اوج صنفی اوله رق ایکی معلم طرفندن اداره اولدینی کی ، ابتدایه ده ایکی معلم طرفندن اداره اولنور . رشديه معلم اولی حکومت سنیه طرفنددر . مکتبک اصل کندی بودجه سی آلتیوز فرائقدر . کری قالان مصارفات شمدی به قدر بالطبع اهالی اسلامیه طرفندن اداره اولنورمش . کچن سنه ۱۰۰۰ فرائق بلدی ، ۱۲۰۰ فرائق ده حکومت محلیه طرفندن ویرلشدر . ذاتاً حق ارانه جق اولورسه حکومت بوقدر اوقافی ضبط ایتدکن صکره بومکتبلره باقی وظیفه سیدر . فقط شمدی حق و حقوق آرانمور !

بورالرده آثار اسلامیه دن قلعه ، استحکام ، قشله کی شیلر ارانه مالیدر . مسموعانه نظراً قل حصار دنیلن قریه نک اطراف قلعه ایش . قارلوه ده دوت ساعت مسافه ده تکیه دنیلان قریه نک غرب جهتنده برتربه وبونک جوارنده برمسجد ایله بر مطبخ اولدینی و یوز سنه اول جوار قریه اهالیسی اجتماع